

1. ZEMLJANI RADOVI

1.1 STABILNOST KOSINA

1.1.1 Predmet smjernice

Smjernice vrijede za objekte 1. i 2. geotehničke kategorije. Za 3. geotehničku kategoriju smjernice predstavljaju samo minimalan obim i osnovno vodilo kod projektiranja. Često će kod 3. kategorije biti potrebno koristiti i druge postupke i metode i pozvati na suradnju specijalizirane stručnjake.

Obezbeđivanje stabilnosti padina ukopa i nasipa znači obezbjeđivanje bezbjednosti protiv klizanja zemlje ili kamenine po padini prema dolje.

Posljedice nestabilnosti padina mogu biti:

- gubitak globalne stabilnosti površina i obližnjih konstrukcija
- prekomjerni pomaci površina zbog smicajnih deformacija, slijeganja, vibracija ili podizanja površina
- oštećenja ili smanjenja upotrebljivosti obližnjih konstrukcija, kolnik i infrastruktura zbog pomaka površina.

Nasipi su pretežno građeni od kvalitetnih i kontrolisano ugrađenih materijala, u pravilu nisu zasićeni sa vodom i zato obezbjeđivanje stabilnosti padine samog nasipa prije svega ovisi o odabiru odgovarajućeg nagiba padine. Stabilnost površina, opterećenih sa nasipom, nije predmet ovog poglavlja, nego je opisano u poglavlju 1.1.7.1.2.

Padine ukopa mogu biti izvršene u zemljani (koherentni ili nekoherentni) ili u kamenoj površini. Zbog različite prirode oba materijala razmatramo stabilnost padina u tim materijalima sa različitim metodama.

Na padinama ukopa često se pojavljuje i podzemna voda, koja smanjuje globalnu stabilnost, a uzrokuje i površinsku i unutarnju eroziju površine.

Stabilnost ukopnih padina je zbog prirodne raznolikosti uslova, u kojima su građeni ukopi, mnogo zahtjevniji i zato im je posvećena većina ovog poglavlja.

Nakon razmatranja stabilnosti padina treba uvažavati usporediva iskustva.

1.1.2 Upotrebljeni simboli

c	kohezija
c'	kohezija izražena sa efektivnim naponima
c_u	nedrenirana čvrstoća smicanja
h	visina (nasipa, ukopa)
k	koeficijent vodopropusnosti
N	normalna sila na kliznoj plohi
T_c	rezultirajući kohezijski otpor uzduž klizišta
T_ϕ	rezultirajući otpor trenja uzduž klizišta
u	tlak kapilarne vode
W	težina (zemlje)

Grčka slova

β	nagib padine
γ	volumenska težina
γ_c, γ_ϕ	faktora bezbjednosti na koheziju i smicanja kao u dreniranim uslovima
γ_{cu}	faktor bezbjednosti u nedreniranim uslovima
θ	nagib klizišta
σ	normalni totalni napon